

雷波廳志卷之九

關隘志

古者建邦重言設險况此邊城震於獯獫撫我疆場
三面瀕夷山川錯雜道路紛歧形格勢禁三稜居要
欲制犬羊宜司虎豹秦守函谷鄭憑虎牢限彼戎馬
毋躡我郊志關隘第九
夾夾石 在城北二十里高據山頂俯瞰廳城雷威
軍築寨駐防最爲扼要

向陽坪 在後山三十里爲廳民採樵要道夷匪常

雷波廳志

卷之九

關隘

一

出滋擾後於牛滾蕩設卡駐防夷蹤乃絕

牛滾蕩 在城北四十里雷威軍設卡駐防採樵者
藉資防衛

頭道紅 在牛吃水西十五里爲該場緊要隘口

魚紅天喜 在城西二百六十里此路俱係涼山最

關緊要

千萬貫 在城西七十里係土司先年駐防地

神農關 在千萬貫山腳下涼山諸夷出入咽喉爲

那比汛烏角汛門戶

山王廟 在城東五里爲東鄉要隘

賓家垵 在山王廟之右爲那里溝要隘

大火地 距城七十里在三稜岡山腳下山徑分歧

零匪每由此竄逸

三庚橋 在桅杆巔背後與竹耳窩對峙東匪出蠻路口卽由此經過

竹耳窩 在三稜岡右接連三庚橋兼爲濫壩子中山坪各地要隘

三稜岡 在城北九十里右營設城於此高據山頂

雷波廳志

卷之九

關隘

二

控馭涼山田家壩富主寨諸蠻一望在目乃籌邊雄鎮也

馬頸子 在三稜岡三十里右營分汛於此互相犄角最爲緊要

黑角 在城西南九十里左營設汛於此前臨大溪過溪卽八寨諸夷地漢夷雜處往來互市汛弁不得其人易生衅端籌邊者所宜注意也

田家壩 在三稜岡五里與城對峙環互皆諸夷部落有建議者欲移土司鎮之亦治夷之一策也

椿椿寨 在羅三溪地爲大院子支夷擾黃要路

雙河口 在黃螂七十里舊有場市居民數百家今皆荒沒無人居住夷匪出擾黃螂鄧溪鄉由此經過龍神岡 在天姑密地一夫當關最爲緊要

土笆橋 在箐口二十里雷威軍駐防

大灣 在黃螂十里雷威軍駐防

大崖洞 在黃螂五十里雷威軍駐防

分水嶺汛 在箐口十五里設有貼防

分水嶺 在城東北五十里舊時爲東林鄉往來要

雷波廳志

卷之九

關隘

三

道自夷亂後道途梗塞人迹罕至遂爲夷匪出沒捷徑廳主秦雲龍出巡經此審量形勢因創建碉卡撥雷威軍駐防旣扼夷氛兼衛道路往來者皆稱便頌德焉

蠻路口 在竹耳窩十五里爲各路總口夷匪出擾均由此分股